



STATEN VAN ARUBA
Ingek. 21 NOV 2014
Volgnr.: IS/252/14-15

STATEN VAN ARUBA

Na Presidente di Parlamento
Sra. drs. M. Lopez-Tromp

Aruba, 21 november 2014

Respetabel Sra. Presidente,


Pa medio di e carta aki mi kier haci un peticion na bo persona pa entrega e siguiente preguntanan na Minister Michelle Hooyboer-Winklaar responsabel pa Enseñansa y Famia pa haya contesta por escrito pa cu e siguiente preguntanan, a base di articulo III.7 di nos Constitucion y articulo 59 di Ordo di Parlamento

Pa hopi aña caba nos por a tuma nota cu hortamento di koper a bira un trend y cu e negoshi di cumpra koper horta ta sigui florece. E fenomeno aki di horta koper no ta limita na casnan so, pero scolnan tambe a bira victima di e malhechornan aki. Evaluando e situacion aki mi persona a yega na e conclusion cu riba termino cortico mester cuminsa cu un plan pa cambia e tuberia di koper na tur e scolnan, pasobra no por descarta cu e ladronnan lo stop di horta koper na e scolnan cu tur e consecuencianan cu esaki ta trece cu'ne. Den cuadro di esaki lo mi mi dirigi algun pregunta na Bo persona.

E preguntanan ta lo siguiente:

- Minister tin un plan di accion general prepara pa frena e situacion di hortamento di koper na scolnan?
- Minister por informa si e idea di laga core tur tuberia di koper bou tera of den murayanan ta un solucion?
- Cuanto scol ainda tin tuberia di koper?
- Minister ta consciente cu si dicidi di cambia e material di e tuberia, cu esaki mester ta un material cu lo no crea bacteria cu por contamina e awa?
- Minister por informa ki tipo di tuberia ta wordo usa pa reemplasa e tuberia di koper?
- Con minister ta bay soluciona e problema aki financieramente mirando cu presupuesto 2014 ainda no a wordo aproba?
- Minister por duna un calculacion di cuanto a wordo gasta na reemplaso di e tuberia di koper durante di aña 2013/2014?
- Minister ta na altura di e forma integral cu Corsow a scohe pa atende e fenomeno aki?
- Minister por informa si tin intencion pa coopera cu gobiern di Corsow pa cu e topico aki?
- Selecta DNA Trace: The International Solution to combat copper theft.
Minister ta na altura di e producto aki?

Atentamente,


Lorna C. Jansen-Varlack
Membro di Fraccion AVP

Oranjestad, 21 november 2014